

## Schölers leest Platt Text aus Heft 8-10 Een vun ölven

### *Vörslääg för de Antwoorden*

Wat geiht den Footballspeler dörch den Kopp, as he dorop töövt, dat he op't Speelfeld schall?

*De Speler is jibbelig. He höört de Fans singen un weet, dat he in en poor Minuten rut op't Speelfeld schall. För düssen Ogenblick hett so so lang traineert. De anner Mannschop hett de Nees vörn un dor is nich mehr veel Tiet na, bet dat Speel toenn is.*

Woso hebbt de Farven swatt, root, güllen en ganz besünner Bedüden för den Speler?

*De Vadder vun den Speler kümmt ut Lagos in Nigeria, sien Mudder kümmt ut Düütschland. Fröher weer dat nich eenfach för de beiden as Poor. Se sünd vun vele Lüüd beluert worrn. De Speler weet, dat dat ok hüüt noch Minschen gifft, de op Lüüd daalkiekt, de ut en anner Land kaamt.*

*De Farven swatt, root, güllen stahst för den Speler för Frieheit: De Minschen un ehr Naams sünd ünnerscheidlich, man all sünd een Natschoon un höört tosamen.*

Weetst du wat över dat Land, wo de Vadder vun den Speler herkamen deit? Versöök, wat ruttofinden!

*Nigeria is en Staat, de to Westafrika höört. In Nigeria sünd mehr as 200 Millionen Minschen tohuus. De Hauptstadt heet Abuja. Man de gröttste Stadt is Lagos. In Nigeria snackt de Minschen mehr as 500 ünnerscheidliche Spraken.*

Hest du Frünnen, bi de de Öllern nich ut Düütschland kaamt? Wat is anners in de Familien as bi di tohuus?

*Wat is / sünd de Familienspraak /Familienspraken? Wat för Festen warrt in de Familie fiert? Kaakt un eet se anner Saken?*

Kann Football hölpen, Minschen ut ünnerscheidliche Kulturen tosamentobringen? Wenn ja, woso?

*In een Mannschop speelt faken Minschen ut ünnerscheidliche Länner. Se all wüllt dat sülvige: Ehr Mannschop schall winnen. Dor kickt keeneen op een vun de annern daal. All Spelers stahst tosamen un sünd een Deel vun de Kru. So kann Football tominnst en beten hölpen, Minschen ut ünnerscheidliche Kulturen tosamentobringen.*